

DAWATE ISLAMI INDIA

79+
DEPARTMENTS



01

JAMIA-TUL-
MADINA

02

DARUL
MADINA
SCHOOL

03

KHUDDAM UL
MASAJID WAL
MADARIS

04

MADRASATUL
MADINA

05

FAIZAN ONLINE
ACADEMY

06

ISLAHE
A'MAAL

07

MADANI
QAFILA

08

MAKTABA TUL
MADINA

09

GAREEB
NAWAZ RELIEF
FOUNDATION
(GNRF)

10

PLANTATION
DEPARTMENT

11


FAIZAN
WEEKEND
ISLAMIC
SCHOOL

12

RUHAANI
ILAAJ

DAWATEISLAMI INDIA KA TARUF (INTRODUCTION)

DawatIslami ek non-political Islamic organisation hai jo pichhle 40 saalon se samaj-sudhar ke kaamo me active hai. Is tahreek ka Madani Maqsad (Holy Aim) hai k "Mujhe Apni aur saari Duniya ke logo ki islah ki koshish karni hai". ان شاء الله DawatIslami ke founder Sunni Sufi scholar Abu Bilal Maulana Ilyas Qadri Sahab hain jo Imam Ahmad Raza Khan Bareilvi ke follower hain. Aap is organisation ke founder hone ke sath sath duniya bhar me rahne wale lakhon musalmano ke peere tariqat (spiritual leader) bhi hain.



Maulana Ilyas Attar Qadri sahab ki rahnumai me apne mazboot Madani Maqsad ke saath DawatIslami ne bahot thode waqt me hi kaafi badi kaamyabi hasil ki hai. DawatIslami is waqt duniya ke taqriban har mulk me active hai, Duniya Bhar ke DawatIslami walo ki aqeedaton ka markaz to Madina hai aur vision bhi ek hi hai yun DawatIslami ek worldwide movement hai lekin duniya bhar me jis bhi country me DawatIslami work kar rahi hai to wahan ke qanoon ke mutabiq jo bhi guidelines hain unka pura khayal rakha jata hai...

DawatIslami India ki baat karen to is waqt iske 79+ departments hain. Jinme Darul Madina (Islamic English School), Jamia-tul-Madina (Aalim Course Institute), Madarsatul Madina (Hifz o Nazra), online education system FOA etc hain. In departments ki koshisho ke nateeje me DawatIslami Mulke azeez Hindustan ki alag alag cities me numayan tabdili la rahi hai aur sabhi musalmano khas kar naujawanon ko pur-amn zindgi guzarne ki taraf la rahi hai..

Male & Female dono hi society ka aham hissa hain, Allah Paak ke Aakhiri Nabi ﷺ ki taleemat ki roshni me DawatIslami India ke zariye Islami bhaiyon me deeni kaam ke saath Islami bahno me bhi neki ki dawat ka ye silsila bakhooji jari hai. DawatIslami India ke lakho volunteers aur hazaro employees me Islami behno ki bhi badi tadad hai.

DawatIslami ek mazhabi tanzeem hone ke sath sath samaji aur falahi kaamo ke liye bhi pehchani jati hai iske alag alag departments hain for example Special Persons (Goonge-bahre, Nabina etc), GNRF (Garib Nawaz Relief Foundation), Disaster Management etc ke zariye laakho logon ko direct indirect faeda pahunchaya ja raha hai. Khas kar natural disasters ya corona, lockdown ki wajah aam logo khas kar ghareebo ko hone wali pareshani ke waqt me DawatIslami India ke department GNRF ne jo kaam kiya use poori country k alag alag hisso se khoob appreciate kiya gaya.

DawatIslami India ke bare me aur janna chahen to apne qareebi Madani Markaz Faizane Madina visit karen, ya apne area me maujood DawatIslami India ke zimmaradar (Muballigh) se rabita karen. DawatIslami India ki official website www.dawateislamiindia.org ke zariye bhi contact kar sakte hain.

DAWATEISLAMI INDIA KE DEPARTMENTS

EKNAZAR ME ..

- 01 JAMIATUL MADINA**
Talba o Talibaat (Male & Female Students) ko Darse Nizami (Aalim/Aalima course) Karwane aur digar Deeni Uloom Sikhane k saath saath Intermediate / Graduation complete karana.
- 02 MADRASATUL MADINA**
Chhote Bachcho Aur Bachchiyo ko durust Tajweed aur makhaarij ke saath Hifz wa Naazra Qurane Karim Ki Talim Dene k liye.
- 03 MADANI QAFILA DEPARTMENT**
3-din, 12-din, 1-maah aur 12-maah ke Madani Qafilon ki tayyari Aur Nizam chalaneKe Liye.
- 04 ISLAAHE AAMAAL DEPARTMENT**
Ba-Amal Musalman Banane'' ke liye Risala Nek Amaal ki isha'at, tarbiyat aur karkardagi lene ke liye.
- 05 MADRASATUL MADINA BALIGHAN (For Adults)**
Islami bhaiyo Aur Islami Behno Ko Durust Talaffuz Ke Sath Quran e Paak Ki muft Taleem Dene Ke Liye.
- 06 DARUS SUNNAH**
Islami Bhaiyo Aur Islami behno Ke Liye Alag Alag Deeni, Akhlaqi, Aur Tanzimi Tarbiyat Ke Liye Qaim Academies Aur In Ka Nizam Dekhne Ke Liye.
- 07 SHOBA AAIMMAE MASAAJID**
Olama, Huffaz wa Muballigheen ko neki ki dawat k usoolo k mutabiq tarbiyat karke imamat k liye Masajide Ahlesunnat me taqarruri, ijaara karne aur karkardagi ka jaaiza lene Ke Liye.
- 08 SHOBA KHUDDAMUL MASAJID WAL MADARIS**
Masajid W Madaris Ki Jagah ke husul ke liye.
- 09 SHOBA E TA'ALEEM**
Schools, Colleges, Universities etc. me Neki ki Dawat aam karte huwe Students, Teachers & Staff ki Deeni tarbiyat karna.
- 10 SHOBA RAABTA BIL ULAMA**
Olama wa Mashaikhe Ahle sunnat ko DawateIslami Ki updates dene aur unse duaen lene ke liye.
- 11 SHOBA ISLAAH BARAE QAIDIYAN**
Jailon me ja kar Qaidiyon (Prisoners) ki islaah aur deeni, Talimi wa akhlaaqi tarbiyat Ke liye.
- 12 SPECIAL PERSONS DEPARTMENT**
Special persons (yani aankh, kaan, zabaan se mazoor logon) Me Neki ki Dawat aam karne aur unki tarbiyat karke khushhaal zindagi guzarne me unki madad karna.
- 13 PROPERTY AND CONSTRUCTION DEPARTMENT**
DawateIslami ki properties ke Sharai, tanzeemi aur qanooni mamlaat ko Dekhne, taamiri projects ke map Banwane Aur waqt par Behtar Quality Ke sath project Mukammal Karwana.
- 14 KAFAN DAFAN DEPARTMENT**
Musalman ke inteqaal par ghusl, kafan dafan (Funeral Services) ki khidmaat anjaam dena.

JAMIATUL MADINA

Kisi bhi taleem ka bunyaadi maqsad insaan ko aisi maharat wa taleem Dena hai jo use dunya ki taraqqi me apna hissa milane ke qabil banaye take wo Apne wa doosro ke tajribo se seekh kar society me izzat wali zindagi guzar sake.

Magar kabhi kabhi taleem ka maqsad Sirf rozi kamana samjh liya jaata hai. Ye bhi Haqeeqat hai ke Qanoon aur usool waqti taur per hi insaan ko Badakhlaaqi aur Jurm se rok sakte hai. In dono cheezo ke nateeje me Hamari society me burayyan paidaa hoti hai. Lihaza hamare bunyadi maqasid yeh hai.

- Apke baccho ko khubsurat zindagi, roshan mustaqbil aur roshan aakhirat ke liye tayyar karna
- Husne sulook aur husne akhlaq ka pekar banana
- Bahtreen insaan aur zimmedar shahri banana
- Society ki islaah karne waala muballigh banana
- Aisa alime deen banana jo qaum ki har maidan me rehnumai karne wala ho

Aala Hazrat Imam Ahmad Raza Khan (رَحْمَةُ اللَّهِ عَلَيْهِ) Fatawa Razawiya me likhte hain ki Har Shahar w Qasbe me ek Aalim hona Waajib hai. Jamiatul Madina qaaim karne ka maqsad ye hai ki Ilm e Deen ki tableegh, Shariat ki ta'aleem aur Mulk bhar me Deeni kaam ke liye Ulama tayyar kiye jaen taaki har Shahar w Qasbe me kam az kam ek Aalim ho.



JAMIATUL MADINA INDIA - 2022

SR.NO	DETAILS	FOR BOYS	FOR GIRLS	TOTAL
01	KUL DARJE	475	195	670
02	KUL STUDENTS (BOYS & GIRLS)	8366	2719	11085
03	KUL STAFF	1042	187	1229
04	KUL SALAANA KHARCH (Taqriban)	27.5 cr	2.10 cr	29.6 cr
05	KUL BRANCHES	130	63	193

193

JAMIA TUL
MADINA
BRANCHES

11085

TOTAL
STUDENTS
AT JTM

NUMAYA KHUSOOSIYAT

1. Ruhani Mahaul
2. Admission Se pehle Entrance Test.
3. Muft Taleem + Mukammal Rehne khane ka intizaam.
4. Maahana Syllabus ka inspection System.
5. Teachers ki Modern Teaching Techniques per tarbiat.
6. Maahana Taleemi Jayza aur test
7. Professional Aur Qualified Staff
8. Akhlaaq aur moral badhane wali activities
9. Mahaana aur Salaana Taleemi Compitition.



JAMIATUL MADINA



VERAVAL



NAGPUR



SIWAN BIHAR




DURG



DHOLKA



RANCHI



JABALPUR MP



PUNE



BHUJ

KASHMIR



GUWAHATI



KOLKATA



FATEHPUR



MADRASATUL MADINA (BOYS & GIRLS)

Farmane Mustafa ﷺ hai.

Tum me behtareen shakhs wo hai, jis ne Quran sikha aur dusro ko sikhaya.



MAQASID

- Madrasatul Madina (Boys & Girls) DawatIslami India ka Wo department hai jiska Maqsad chhote Bachche aur Bachiyon ko Quran e Paak ki talim se Aarasta karne ke saath saath inko Ba akhlaq wa Ba-kirdar banana hai.
- Madrasatul Madina (Boys & Girls) me Bachcho ko Quran ki Talim ke saath saath Islam ke bunyadi aqaid , Namaz ke Tariqe , Sunnaten aur aadab , Duaen sikhai jaati hai
- Quran ki Talim ke saath hi chhote bachchon aur bachchiyon ko Modern Education dena jis se bachche zindagi ke tamam shobon me aage chal kar khud mukhtar ban saken.

MADRASATUL MADINA INDIA - 2022

SR.NO	DETAILS	FOR BOYS	FOR GIRLS	TOTAL
01	TOTAL CLASSES	1653	133	1786
02	TOTAL STUDENTS	30426	2383	32809
03	TOTAL STAFF	1287	91	1378
04	TOTAL MADARIS	709	60	769

769

TOTAL
MADARIS

SUB DEPARTMENT'S

MADRASATUL MADINA BOYS

(Fulltime) Hifz O Nazira

MADRASATUL MADINA BOYS

(Shorttime) Madani Qaida Nazira

MADRASATUL MADINA GIRLS

(Fulltime) Hifz O Nazira

MADRASATUL MADINA GIRLS

(Shorttime) Madani Qaida Nazira

MADRASATUL MADINA BOYS REHAISHI

(Residential) Hifz O Nazira

MADRASATUL MADINA

Modern Education (English / Maths / Urdu)

MADRASATUL MADINA COURSES

Qaida Nazira Course (7 months)

Mudarris Course (5 months)

2 Years Tajweed o Qirat Course

MADRASATUL MADINA INDIA - GROWTH

India me Sabse pehle Madrasatul Madina (Boys & girls) 2008 me Modasa Gujrat me qayam huwa.


2022 March tak Madaris Ki Tadad 769 Ho chukihai.



Madrasatul Madina India - Growth Chart

VISION 2026

Opening 500+ new madaris every year



MADRASATUL MADINA INDIA

BHARUCH



ALIGARH (UP)



BHADRAK (ODHISA)



PUNE



RATNAGIRI



AKOLA (MAHARASHTRA)



BALASINOR





SRINAGAR (KASHMEER)



BAITUL (MP)



SAMBHAL (UP)



KOTA



NAGDA (MP)



MODASA



CHENNAI



TATA NAGAR

HYDERABAD



GIRIDIH (JHARKHAND)



FAIZAN ONLINE ACADEMY

Hifz O Nazra Qurane Karim, Darse Nizami (Aalim Course), Mukhtalif Online Courses (Islami Bhaiyo Aur Islami Behno Ko) Karwane Aur Diger deeni uloom Online Sikhane Wala Idara




NUMAYA KHUSOOSIYAAT

- Modern Technology ka behtareen istemal
- Khush Akhlaaq aur Tarbiyat Yafta Staff
- Farz Uloom ko bahut aasan karke sikhane ki maharat
- Islam o Sunniat ki khidmat k liye behtareen mahaul
- Course k syllabus k saath saath Neki ki dawat wa Husne Akhlaq ki Tableegh
- A'ala Hazrat ki Taleemat ke mutaabiq Syllabus

ONLINE COURSES:


1. Aqaid-o-Fiqh Course
2. Quran Nazra
3. Hifz E Quran
4. Darse Nizami Course
5. Farz Ulom Course
6. Tajheez-o-Takfeen Course
7. Sunnat E Nikah Course
8. Namaz Course
9. Hajj Umrah Course
10. Imamat Course
11. Tasawwuf Course
12. Qurbani Ke Ahkam Course
13. Sunnat-e-Nikah
14. Bahar-e-Shariat
15. Arabic Grammar Course
16. Hadith Course



DAR-UL-MADINA ISLAMIC ENGLISH SCHOOL

INTRODUCTION

Darul Madina Islamic English school system ne murawwaja asri taleem ko Shariat ke dayre me rahte huwe behtar banane ka hadaf liya hai. Ye Dawat-e-Islami ke 79 Departments me se ek hai. Ye talimi nizam students ko seekhne aur un ke andar Chhupi Huwi behtareen salahiyyaton ko ujagar karke taraqqi ki manazil tay karne me madad faraham karta hai. Ye talimi nizam aisa mahol banana chahta hai Jahan intizam ho ya insiram, tadrees ho ya nisab har jagah Islami aqdar ko malhooz rakhajaye.



PROGRESS REPORT

Students ko nisaabi aur izaafi activities jaise Science Exhibition me hissa lene par ubhaara jata hai.
Talaba ne mukhtalif projects banaye hain.

SCIENCE EXHIBITION



Handwriting Competetion



EDUCATIONAL VISIT



DAR-UL-MADINA ISLAMIC ENGLISH SCHOOL



RUHAANI ILAAJ

Shoba Ruhaani Ilaj ka kaam dukhyare musalmano ki bazariye maktoobat ghamkhwari, tavizat aur aurado wazaif k zariye fi sabilillah ruhani ilaj krna hai. india me is shobe k tahet rozana taqriban 300 maqamat par stall lagae jate hai, jaha salana 2 lakh 25 hazar k qarib pareshan hal ham se rabta karte hai, in ki pareshani k hal k liye tavizat aur wazaif pesh krne ka silsila rehta hai. is k ilawa India k aise gaon ya shaher jaha abhi humari ye service nahi hai wahan k rehne walo ki madad k liye mumbai ruhaani ilaaj office se free of cost by post tavizat aur wazaif bhejne ka silsila rehta hai (abhi taqriban har mahine 80 cities me by post tavizat bheje jate hai)

ISTIKHARA

Shoba Ruhaani Ilaj India K Tahet Rozana 9hrs Ghar Baithe Call K Zariye Istikhara Krne Ki Facility Bhi Maujud Hai.

ONLINE ISTIKHARA HIND

02223451126

9am To 6pm (Friday Closed)

Is k ilawa india k taqriban 25 stalls pr bhi istikhara ki sahumat maujud hai.



Dua E Shifa Ijtema :- Mukhtalif alaqa me pareshan hal logo ko jama kar k dua e shifa ijtemaat ka silsila bhi rehta hai jis me ijtema me ane wale pareshan hal logo ko bayan k zariye musibato par sabr karne, har hal me allah paak ka shukr ada karte rehne ki targhib dilai jati hai, phir namaz e hajat aur dua k zariye musibat dur hone ki dua ka silsila hota hai aur us k baad ijtema me ane wale shurka ko tavizat pesh kiye jate hai pareshaniyo ki hatho hath kaat ki jati hai, jin ko zaroorat hai un k istikhara ka bhi silsila rehta hai

FUTURE PLANING:-

- 1) Online Istikhara Ki Service 16 hrs K Liye (no Weekly Off)
- 2) Whatsapp Istikhara Service
- 3) Whatsapp Tavizat Service
- 4) Islami Behno K Tavizat K Stalls

FAIZAN WEEKEND ISLAMIC SCHOOL SYSTEM

MISSION STATEMENT

FWIS Dawateslami India ka ek Ta'aleemi project hai jo hafte ke aakhir me sirf ek din chalta hai. FWIS ka maqsad Muslim bachhon ko bunyadi Islami ilm, sunnate aur aadaab sikhaana hai jis se wo saara hafta school ki wajah se mahroom rah gaye the.

FWIS Ameer Ahle Sunnat ke ata-karda mission ko farogh deta ke mujhe "apni aur saare dunya ke logon ki islaah ki koshish karni hai" - aur Islami mahol me Talba ki kirdaar-sazi karta hai.

TARGET GROUP

Hamare maqsood wo bachhe hain jo hafte me 5/6 din kisi public/private school ko jaate hain.

TIMING

FWIS hafte ke aakhir (Itwar) me taqreeban 2.5 ghante (10.30 AM - 1 PM) tak chalega. Mulk o Alaqe ke halaat ke aitbaar se waqt adjust kiya ja sakta hai.

CLASSES:

Mukhtalif Umr ke group division ke sath boys & girls ke 6 darje honge.

Boys & Girls, donon ke classes juda juda honge.

Grade (6)	12-13 Years
Grade (5)	11-12 Years
Grade (4)	10 Years
Grade (3)	9 Years
Grade (2)	8 Years
Grade (1)	6-7 Years

FWIS ONLINE

- FWIS Online me 2000 se zyada Students apne gharon me rah kar muft me deeni taaleem haasil kar Rahe hain.
- FWIS Online har itwaar ek ghanta ke liye chalta hai.
- 48 online Classes k zariye 2000 students ki tarbiyat



OFFLINE BRANCHES

HYDERABAD

DELHI

BAREILLY

HUBLI

BELGAUM

MALEGAON


AHMEDABAD

SURENDRANAGAR

BANARAS

SURAT

AND MANY MORE ...



GNRF AND PLANTATION

Gareeb Nawaz Relief Foundation (GNRF) Dawateslami India ka falaahi shu'ba hai jo mulk bhar me zarurat ke waqt ummat ki khidmat karta hai.

Dawateslami India ke is department ke mukhtalif hisse hain jo mushkil waqt me logon ki zindagi aasan karne me koshaan hain.

FEW ACTIVITIES OF GNRF

- COVID-zada logon ko maali madad pahunchana
- Lockdown ke waqt zaroori samaan muhayya karna
- Sailaab-zada afraad ki madad
- Medical sahooklaten

VARIOUS DIVISION OF GNRF

DISASTER MANAGEMENT

Shadeed baarish, sailaab, zalzala, aag-zani ke waqt raahat pahunchana

WATER SERVICES

Mukhtalif maqamaat pe paani ke sabeel aur pumps bithaana

ISLAH BARAE QAIDIYAAN

Qaidiyon ke darmiyaan Ramadhan Iftaar, Ijtima'at aur deegar events ka in'iqaad karna

MADANI HOME

Madani Home ka maqsad hai ki Anqareeb, samaaj ke mahroom tabqon ke bachhon ki parwarish aise gharelu aur ba-hausla mahol me karna ki jisse wo India ke achhe shahri bane.

GNRF apne network ka daaira saare mulk me faila kar zarooratmand bachhon ko zindagi ki shahraah me laane jaa raha hai.

MEDICAL SERVICES

First-Aid camp qaaam karna aur jagah-jagah Medical camp bhi lagaana

ENVIRONMENT

Dawate Islami India ne muheem chalaayi hai ki India bhar me ped lagaen jisse pollution se azadi mile.

KHUDDAM-UL-MASAJID WAL MADARIS

Sayyiduna Abu Hurairah رضي الله عنه se Riwayat hai ke Noor ke Paikar, Tamam nabiyon ke sarwar ﷺ ne farmaya : Jo Halal maal se Masjid banayega, Allah paak Us ke liye Jannat mai Moti aur Yaqut ka Ghar banayega. (Tabarani awsat, Vol.4,p.p17, Hadees 5059).


Jin Alaqa Ya Shahro Me Masjid Ki Zarurat hai waha Ye department Sharai Rehnumai Ke Baad Zamin Kharidne Ki koshish Karta Hai aur Waha Par Tamirati kaam Mukammal Karke Muslamano Ki Ankho Ko Thanda Karta Aur Un Ke Dilo Ko Tasalli Deta Hai. Is Kaam Ke Liye Lakho Rupe Kharch hote hai jo aashiqane rasool ke Donation se kiye jate hai. Is department ke tahat india me 90 se zyada sites par kaam jari hai.



BASNI




BIKANER



BURHANPUR

DAWAT -E- ISLAMI HIND
MPK-683-BURHANPUR
MASJID



JODHPUR



MAKTABA-TUL-MADINA

Maktabatul Madina DawatIslami ke aham tareen departments me se ek hai, jiska maqsad Ameer Ahle Sunnat wa digar Ulama ki likhi hui kitaaben aur risaale Print karke Deeni taleem Ko Aam Karna Hai.

Ye Online shopping aur home-delivery ki sahulaten bhi faraham karta hai Mazeed, iski shay-shuda kitaaben Muft download bhi ki jaasakti hain.



MAJLIS E TARAJIM

Maktabatul Madina ke shay karda kitaabon aur risaalon ko Majlis e Tarajim kai zabaanon me translate karke dunya bhar me bhejti hai. Filhaal, dunya ki 32 alag alag zabaanon me kaam ho raha hai.

- | | | |
|--------------|----------------|--------------|
| 1. Arabic | 12. Korean | 23. Kannada |
| 2. English | 13. German | 24. Hausa |
| 3. French | 14. Chichewa | 25. Swahili |
| 4. Spanish | 15. Portuguese | 26. Hindi |
| 5. Russia | 16. Malay | 27. Gujarati |
| 6. Norwegian | 17. Turkish | 28. Sinhala |
| 7. Danish | 18. Greek | 29. Nepali |
| 8. Dutch | 19. Creole | 30. Persian |
| 9. Chinese | 20. Bengali | 31. Sindhi |
| 10. Italian | 21. Telugu | 32. Pashto |
| 11. Thai | 22. Tamil | |

SOCIAL MEDIA DEPARTMENT

Is Digital daur me poori duniya ke karodo log social media ka istimal Karte hai aur ek click se har jagah rasaayi paa lete hain.

Waqt ki zaroorat ke tahat DawateIslami India ne mukhtalif social media platforms par apne accounts Open kiye hain taaki Islam ki talimaat aam Ho aur iski sachhi pur aman tasweer ki tash-heer ho.

DawateIslami India ke In accounts ko Like aur Follow karke aap mazeed Qur'an o Sunnat ki baaten seekh sakte hain.



www.facebook.com/dawateislamiIndiaofficial



www.youtube.com/DawateislamiIndia



www.instagram.com/dawateislamiindiaofficial



www.twitter.com/idawateislami

DONATE TO DAWATEISLAMI INDIA



For online donation visit

WWW.DAWATEISLAMIINDIA.ORG



NOTE:

Aapke Chande (Donations) Ko Kisi Bhi Jaiz, Deeni, Islahi (Reformatory) Falahi (Welfare), Khairkhwahi, Rohani Aur Bhalai Ke Kam Me Kharch Kiya Ja Sakta Hai

DAWATE ISLAMI
INDIA